



薪齋三集卷之二

黃家舒漢臣評



錫山呂 陽全五著

兄自咸誠之閱

詩

為吳廣成尊慈徐孺人頌

南○州○垂○紫○象○流○蘇○嫁○與○延○陵○但○碎○纒○局○戶○岸○看○歐○氏
母○名○場○還○見○子○雲○孤○花○生○二○月○皆○文○綺○翠○入○三○珠○作
鳳○雛○猶○子○黃○門○能○獻○賦○年○年○分○得○大○官○醕○

幼洪官
黃門

漢臣云體氣高舉孤松獨秀

寒江

神鴉嘒嘒楚山嶠○舟過泂溪第五橋○霜葉亂飛紅○著○面○風○揚○飄○盡○白○垂○腰○穿○林○小○犬○疑○生○客○失○渡○漁○人○問○熟○樵○却○笑○坡○仙○孤○鶴○夢○不○吹○長○笛○轉○吹○簫○

漢臣云是茗上一派着色法誠之云偶然佳境天然巧句

美人

神女嬋嬋下碧潭○拈花指甲意微貪○針穿子夜七月七○繡踏晴郊三月三○瓠齒香生疑有麝○蛾眉綠澣却

非蠶行人為乏波斯眼○錯恨晶簾色是藍

漢臣云是東籬下閒情賦誠之云若近若遠珊珊其來

贈吳江彤雯弟茂才

大司馬益軒公愛子

司馬庭前繞鳳雛○彬彬典議悉三都○烏衣子弟懸青瑣○畫戟門墻舞湛盧○詩在洛陽唐顯慶○文成河朔魏黃初○吳趨莫笑楓江冷○已見彤雯滿院莠

漢臣云有典有則誠之云善標門第却覺清文迥出

和王烟客年伯七十自詠四律

瀟灑臨池趙大年○宋元人復事依然○秋巒數點雲扉

全五三集
在○春○水○三○灣○瀑○布○全○花○罩○漁○翁○誰○上○下○松○脚○鶴○子○不○
虧○圓○披○圖○一○對○參○軍○紙○勝○續○濠○梁○外○史○編○

其二

東○髮○詞○林○早○問○津○殷○勤○酒○醴○醉○詩○神○言○情○不○讓○初○唐○
俊○論○體○寧○為○中○晚○民○到○處○烟○霞○供○墨○漬○自○家○村○落○肯○
書○貧○却○疑○畫○裏○藏○摩○詰○錦○字○翻○為○白○雪○塵○

其三

紆○籌○國○本○繫○苞○桑○出○入○承○顏○宰○相○旁○海○內○盡○思○王○且○
簡○家○兒○猶○擁○阮○孚○囊○春○秋○兩○祀○天○心○自○禮○樂○兼○調○月○

氣○黃○宴○飲○西○田○良○不○易○頻○年○耕○耨○水○禾○莊○

其四

八○分○書○法○久○知○名○汗○漫○山○花○寫○物○情○時○共○僧○寮○參○藥○
葉○不○妨○鶴○羽○辨○根○莖○謝○家○池○館○南○天○秀○王○氏○圖○書○北○
斗○明○照○眼○銀○璜○層○次○立○仙○人○還○着○紫○衣○行○

王太常工詩畫尤善八分書幼從乃祖文肅公乃
父緱山公學得詩禮之秘旨
漢臣云穠秀工巧絕似太常畫幅
誠之云誦四詩如入太常西園林香水美陶鑄塵
心少陵所稱奎三象尺五天亦嫌俗矣

必妃吟書呈高爾芬

金剪盈盈領袖賒學裁鸚鵡正呼耶春回繡閣如常在月向歌樓不忍斜子晉欲偕秦女去魏王還爲宓妃遮藤花蔓繞三槐綠姹婦應乘五色車

其二

玉臺神女下香塵弱柳輕稊處處春鬢壓鞦韆斜抱月釵隨六博半拖雲疎篁雨後兒孫長錦帶風前姊姊分且脫霓裳修綺製麻姑仙爪慣承恩

漢臣云光采射人若左瓊枝而右玉樹誠之云秦樓洛水風神宛然游戲拈來不必有之乃爲似之

爲秋海棠羞金鳳花

人傳金鳳花姿媚方吳娃偏與海棠妬兩地報芳芽一旦闌花使闌入淨身寺紛紛玉甲閤染作宮人誌海棠雖瘦梁孟儔青樓婢子皆低頭何復孤眠北堂後深深掩淚朱顏羞見者呼爲斷腸草長春曼倩皆懊惱豈知烈女啼殷紅五更歸雁泣西風寧與鷄冠堦下爲兄嫂不與金鳳臺前執灑埽

俗呼鳳仙娘子不屑與秋海棠同伴抑知鳳仙故菊婢耳張右史詩云金鳳乃婢妾紅紫徒相鮮則鳳仙之虛名冗對不齒於詩家可知秋海棠相傳爲女子懷人不至涕泣灑地而生色如婦面名斷

全五三集
腸花貞烈見矣故與西府
垂絲同名非堦砌花此也
漢臣云秋花多淡逸其秀倩者獨芙蓉海棠耳然
芙蓉宜遠不宜近未若海棠之幽韻獨絕也此詩
應補入花史
誠之云花帶貞性便堪品題墻角秋艸中詩人具
有正眼

織女諸星歌

織女織盡人間機。帛度份份天幅齊。扶筐載入皇妃
府。配爲御女司厨俎。汲水南河河梗長。相看玉井自
斟量。中有燿位能取烜。積薪纍纍如積水。水穀交漬
天樽中。酒旗搖漾柳枝風。無如四日連三杵。離宮別

室矜相舉。出侍軒轅御女從。每慚薄命少。微同不如
外庭御女者。逍遙立在長垣野。東來丈人農家蓑。魚
鱉紛紛鷄犬多。箕前斗下糠皮盡。市樓車肆南門近。
器府縱橫三十餘。一任君家婦所需。西來丈人何赫
奕。問諸七公公不識。有子有孫名老人。宗人宗正與
等倫。厠下屎星如斗大。外厨灑埽真無奈。可憐灑掃
外厨妻。射狼弧矢相遮迷。鈎鈐鍵閉摩其領。左旗右
旗環軍井。往征西代及秦方。一女自稱周后王。天庾
豐如芻藁束。天田九坎盈金谷。天苑大如九州河。天

園瓜菓繁枝柯龜魚躍躍跳天尾野鷄飛飛銜天市
 暗有司非司祿神不免騰蛇入室頻讒人附耳卷其
 舌閃爍招搖欺日月三台閣道皆虛危倖臣從官聞
 轟雷徒作人間一敗曰安能長守天棊後吾守吾貞
 不下機離珠燦燦離瑜奇牛郎雖賤亦吾侶王良執
 綏造父御七月七日天津橋瓠瓜花落人天嬌可憐
 周室一女主諸王起兵成腐鼠不如仍作一處女終
 日徜徉女牀處

漢臣云談天口以織錦生花手出之天官書內又
 開一奇徑
 誠之云羅甘石於胸中何足奇奇在運筆之妙正
 如天孫之織耳

七夕定山小飲

汀前白鶴任東西樹暗花枝鳥眼迷織女停梭將入
 夢漁翁晒網得忘機潮知避弩中流褪石為能言夜
 半漸有暇相疇神昨日一江烟水浸玻璃

漢臣云織艷題那得此蕭疎曠遠
 誠之云織女停梭漁翁晒網正村中事耳莫泥題
 中七夕看為妙

石首令陶石長餞行江上僧舍得新月

驚起山頭月清陰此夜生豈緣頑客雨如為主人晴

烟霞來道者○疏筍薦詩僧○忍作河梁曲○揮絃馬上聽○
誠之云如此餞行主客俱不負江山風月可傳可傳

宿夏口

雨濕江邨樹○飄零籬荳花○雞豚搖尾入○風動月疎柳○

漢臣云如謠如月令

逢采采妓

山嵐添雨脚○水漲失潮頭○桃葉紛紛下○何人倚翠樓○

漢臣云碧天無際水空流使人自遠誠之云別思難堪題中不說別却說逢最妙

偶見

縞素佳人謁太清○焚香百拜董雙成○金蠶罷獻心如○
水○未免低眉顧後生○

漢臣云情景俱深荷誠之云可警悟謫降人

蕪湖江中望孫夫人

龍○躍○蟻○磯○謹○護○珠○珊○海○底○盡○脚○踏○影○和○寒○月○春○深○
閉○說○與○湘○君○總○不○如○

漢臣云表章節烈難得如此有菊秀蘭芳之歎誠之云似唐突湘君須會意抑揚之外

贈趙隱君玉潤

策竹河之干○伊人在考槃○仰觀天宇濶○坐對海風寒○

全五三集
一路深林迥幽。短榭完花。濃窺月淡。霞散覺峰攢。
老客年年醉兒孫。事事安所期。應不遠。魚鳥話無端。
愧我冰稜句長。將玉潤看。

漢臣云純以樸勝
誠之云真隱福真古詩

送內翰程翼蒼由蘇學正之任北雍

虎觀橫經道已東。頒書仍使纂三通。緋衣列坐皆王
子。絳帳危居只寓公。思入青冥雲不霧。詞連秀嶂草
先風。梅花惹得吳人醉。茂苑香飄薊水中。

漢臣云蒼翠之色樸人襟袖間
誠之云高調本沉着而出秀句以老到而工

送邑侯黃郁巖還鄆州

紅幕花飛五月時。弮弓駿馬向南池。心如惠水泉三
尺。夢到高魚酒一卮。夜坐敢談宣室事。早朝還和禁
中詩。吳民淚灑羊碑石。忍賦歸來晁補之。

其二

平生車騎起邊城。畫角聲和子夜笙。燕入官寮如聽
法。鸞棲客舍欲停刑。千家五袴隨燃炬。合浦雙珠映
水晶。爲報潯陽幾株柳。督郵何故苦垂青。

其三

箕不揚塵斗不灰吳山表裏盡宣威西門有豹能驅
鬼河伯無妻却恨誰人面愛憎憑此日子心清白自
朝暉劍花落地還穿嶺跨馬高平魏相回

其四

行旌飄動子規烟一路焚香拜董宣仙在蓬萊非市
地雁隨陽影却歸川懸瓢賴有支機石浙米元無飼
鶴田泉出梁溪還入海不知何日更為泉

漢臣云才若貫珠氣同倒峽以郁翁之長才勁節
當之並堪不朽
誠之云金精玉液噴薄筆端駮霞絳霧零亂塵尾

寄懷陳淇瞻司李臨安任所

陽暮多倒影唧山如有聲土番容佞佛湖鳥慣欺生
駿隸官寮淨檳榔野外明不勞沙印跡同作浣江醒

漢臣云寫土風似子美夔州諸作
誠之云雲霞重疊氣邑里雜鮫人奇確之句復見
此爭勝

秋晚觀澣者

蝸蟾初沸日蓮子一池新水閣涼侵鳥花房露濕人
雲深拚縱酒月白漫焚薰陡引寒泉動秋光百丈分
美人疑有恨到處濯衫裙

漢臣云臨去秋波無限
誠之云較若邪採蓮更有幽靚

淘河船

寒○月○子○嚮○鳴○蘆○花○飛○有○聲○鷓○鴒○無○山○志○鷓○鴒○逐○水○情○
嗟○彼○鷓○鴒○鳥○莫○傍○漁○船○生○漁○郎○與○漁○婦○昨○夜○水○邊○聽○
淘○河○胡○大○有○數○升○掠○盡○前○汀○水○底○鯉○

漢臣云從枯魚過河泣化出
誠之云鷓鴒為漁郎助虐何異吏胥狼虎隱諷側
然

妓女折李子

五○月○香○聞○禁○籟○林○纖○纖○手○折○一○枝○金○李○白○耶○李○赤○耶○

堪○憐○李○赤○非○李○白○何○云○家○菓○勝○家○禽○

漢臣云古今事拈來便合豈非奇慧
誠之云想頭異句法亦異似謠似讖

楚歸宿磨盤墩

盤○盪○水○曲○是○山○猗○不○定○漁○船○覓○柳○條○黃○鳥○交○交○孤○樹○
怯○秋○蟲○唧○唧○五○更○勞○風○生○後○院○綠○容○淨○雨○在○前○村○白○
氣○高○鄉○夢○引○人○看○淚○竹○可○堪○歸○柝○暗○中○敲○

漢臣云警快之句徐山陰所謂冷水澆背陡然一
驚者也
誠之云吾最愛其律細而字穩

采石山訪陶宜之村落已暮

全五三集
露圃霜林白鹿場○愁無松粉作山糧○兒因父老曾推○
食嫂爲兄公亦捧漿蠶箔不妨鋪藥草酒帘長自掛○
蒼○食○迷○離○古○墓○行○人○黑○指○點○漁○燈○路○幾○行○
誠之云眼前村落句却無人道得出

與九儀爾長兩兄暨震軋侄香令恂令兒遊鄧尉山途遇名姬作

菱○移○春○色○正○當○軒○車○馬○紛○綸○出○大○田○看○竹○不○須○兄○子○
敬○尋○梅○何○事○妻○逋○仙○貪○遊○犢○子○陽○和○地○學○語○兒○曹○艷○
冶○天○鳥○帶○殘○香○歸○別○苑○枝○枝○葉○葉○總○花○鈿○

漢臣云春山艷冶而如笑誠之云映帶佳麗全不着相正是林下美人耶

嘲外史

珍○珠○海○外○任○高○量○獨○向○貧○村○理○半○璫○三○國○虛○名○徒○混○
蜀○五○朝○殘○史○更○荒○唐○行○間○鳩○語○談○天○拙○筆○下○蠶○叢○說○
鬼○忙○卽○墨○無○封○毛○穎○去○知○君○枝○葉○褪○花○房○

漢臣云掃盡稗官家典誠之云人忘演俗穢流肺腑須此藥石之攻

與朱力仁羽士談養生呈施慎五

花○落○蒂○重○英○髮○皓○不○重○青○春○花○與○秋○髮○來○去○有○將○迎○
金○風○謀○面○得○金○氣○入○肌○迸○陣○陣○寒○蠶○催○旅○思○低○低○小○

全五三集
鳥○喚○幽○情○蘼○草○自○甘○三○月○死○蜉○蝣○祇○有○六○時○生○誰○道
扁○盧○能○續○命○青○囊○早○已○墮○丹○經○吾○已○矣○人○生○大○夢○空
三○鳥○瓊○華○可○噉○不○可○飽○欲○進○人○參○酒○一○升○羲○馭○晻○晻
百○務○攪○冬○祁○寒○夏○沍○陰○蘆○花○撼○揆○傷○人○心○武○火○不○將
文○火○熟○道○人○何○計○養○辛○壬○養○辛○壬○一○寸○光○陰○一○寸○金
才○得○身○閒○病○不○侵

漢臣云拈出一閒字是養生金針丹經參同俱為
剽語
誠之云不襲虛與實見大道所謂非其人而言之
必大笑者也

楚寓與熊進士雪巖

樹色隨霜變花陰傍月遷
毳毳身短褐又是小寒天

其二

江楊辭舊綠山鳥亂新紅
過客無多事停撓候好風

漢臣云只是胸無一事寫出便尔澹遠
誠之云相敘歷冬春無一閒言語難得如此主客

與維夏覲文暨公額載錫侄擬流觴曲水故事

與君十寒暑曾無十日游
芳草年年秀清癯處處秋
人聲聞隔水鳥影過虛舟
趁此無邊月携來自在丘
繫月松梢上權為酒國涸
如詩不成律罰以五斗
酌庶幾山巨源堪作酒鄉侯
罇罐因風積糟醅浥露浮

醒人莫相笑。沉醉是嘉謀。

漢臣云應作觴政敘使七賢入仙皆倒誠之云題是擬流觴曲水詩中別有感慨全不涉未和故事妙妙

開州旅宿望子路墓

曾登顓頊城。城下空黃沙。野店藤爲樹。山居菜作花。
午餐容易火。薄酒不知茶。厥衣駐庭日。烏烏聲麥麥。
縱日古糟丘。朝歌亦暮蛙。金陵河滴瀝。畫舫人鬢髻。
何如仲由墓。到處松杉遐。

仲由墓有三

漢臣云只紀野景不借墓中人立論渺然遐舉誠之云到處松杉遐幾於孔陵矣寫望中意已至

讀司馬長卿凌雲賦感懷劉長卿

君臣唱和迥如天。安得凌雲賦殿前。孝武御函多翰墨。
玄宗封事半詩篇。顰生縱有猗蘭操。蕭寺難停笏竹船。
同一長卿何佗傑。才人巷遇本難言。

漢臣云憑弔千秋遇合之感足使才人揮涕誠之云已爲文房吐氣正何必狗監知己耶

宿鱗魚嘴

月色晶晶起射干。徘徊四野作朝看。魚穿金甲浮新霽。
蟲着蓑衣帶曉寒。客况不堪秋疊夢。歸帆準擬夜乘翰。
商船橫截一江水。江自東西我自安。

漢臣云寫景幽細晚唐上乘
誠之云得句新警不妨帶巧

薛門呂氏姑母榮節

烟浮埭里得芳叢。鳳鳥孤棲一葉紅。色借輦輪傳錦
樣。聲調絲管協黃鍾。金梭宕漾心如月。帶草縱橫意
可風。奕奕五彪咸執御。何愁婺女不珠宮。
公豪兄弟五人

漢臣云擲地作金石聲
誠之云艷中帶莊不礙士女本色

金閨項母方孺人八十

臯亭女星來闔閭。霓衣風馬七香車。芍藥春暉仙子
麗。芙蓉秋水鹿門居。覓偶人間得仙客。項橐之後維

崑石手掬天漿紅。露盤筵開寶饌青。鸞食靖伯雙珠

出掌中。芸衫繡褱皆春容。何妨折節相如蘭。舉酒碧

桃花下同。

崑石之子靖伯

漢臣云絕世奇麗此詩中七寶沉香座也
誠之云有富豪氣亦有神仙氣却有幽氣運之

社飲偕秦公盤侯駿聲吳子沂同眺

三星在雷影參差。斗酒同傾費不訾。月曉尚銜杯待
日。鐘鳴誰聽瑟吹詩。村村牧豎燃朝火。處處漁郎曬
夕衣。社飲壺漿隨路得。何須買笑更生疑。

漢臣云深得詩家鍊字鍊句法
誠之云醉鄉記耶然古人無此俊語

偶吟

論文江左學昭明○大半膚清骨未清○吟就五言如一○
醉坡仙笑我是詩丁○

漢臣云前無古人後有詩丁
誠之云能斗酒詩百篇者許與語此

臨安懷古

官家妓女解琵琶○字裏淒淒南渡娃○海氣漸生五里○
霧江潮休灌六橋花○

漢臣云典亡之感更以不盡為高
誠之云聲是竹枝情含麥秀

與古閒和尚

芙蓉池畔一僧伽○深鎖招提不見花○月到禪牀人下○

榻巢依佛頂鳥當家○

漢臣云心清聞妙香
誠之云為滾滾馬頭塵匆匆駒隙影者晨鐘發省

漁家樂

春花一林足○飛在山家屋○須臾嵐氣收○雨霽水稜縮○
山下半漁郎○甌甌滿醞醪○兩腋風差池○虫虫漁婦逐○
漫學羣兒水○上游桃花李花相對浮○桃花不碍村妝○
好李花不忌梁園草○漁郎笑折一枝花○漁婦報之醪○
醪早○

漢臣云寫野景作諸調彌見雅人深致彼避俗事
俗語者正坐不能脫俗耳
誠之云漁郎漁婦花酒相酬不說得魚事妙妙

張敬修八十翁連環曲

八十老善為寶事我嚴親梁肉兼魚稻笑看萊子斑
衣堂前嬉戲同小草八十翁琴理冲絃加文武四海
共薰風或操龜山姜里宋斤魯削各為雄八十載心
無外蘊藻溪毛寒苦常如耐饑人問我丹爐澤有黃
金山有薤君八十如五十紺眼方瞳森森丹嶂立他
年跨馬緋衣屋下三槐枝戢香與君酌酒今八十榼

厭厭夜飲無歸賓主歡如鰈小婢當窓司啓閣與君
鼓琴兮八十分每一分制一弄清妙聲粼粼雖當盛
暑意如春與君保宗今八十子縣縣瓜瓞千行家室
常如此聞禮聞詩退而喜與君祈年今百八十閒雲
野鶴孤松不謀而自集歎彼錢彭空汲汲

漢臣云似戲似真具無礙大神通力
誠之云不於琴操中寫山水却寫家常婦子之歡
最近情最新警

早發京口

兩岸風帆掛斗箕鐘聲喚起夜航齊潮生古渡江彌

全五三集
潤雨漫空林天漸低酒國有鄉斯有醉琴床無色亦
無迷吳牛錯記團團月走盡洲邊蘆荻磯

漢臣云五六可鋒座右
誠之云歸舟載石之人有此臨風浩歌之致覺清
籟滿耳

過龍江關

霜下輪蹄幾觸藩隨風蹠蹠到江關梅花入夢寒香
在桂子飄衣古色殘老吏漸知沉宦海高人誰肯近
冰山前林有鳥啼黃葉喚我樵柴北固灣

漢臣云自待何等新齋傲骨寒心于此想見一班
誠之云一片冰心在玉壺心境俱清絕詩那得不

佳

過邯鄲仙祖祠見盧生睡像

整日盧生日不開欲扳呂祖夢中來丹梯許借頑仙
道白晝能昇野鹿胎山下金英垂馬服河邊寶鼎傍
龍鬚黃梁熟後饑人少一飯無門獨我哀

漢臣云不作空虛語
誠之云欲以邯鄲黃梁飽盡天下餒腹此是作者
意中事

爲竺道生演法

雲帆拂拂漾天船船自撐雲到碧天大士閉關能見

月○高○僧○卓○錫○卽○流○泉○泉○有○魚○月○有○花○魚○探○鳥○影○皆○亡○
去○花○笑○人○言○亦○枉○然○着○意○尋○花○仍○隔○面○無○心○弄○月○却○
飛○仙○花○與○月○本○虛○園○鳥○與○魚○何○躡○躡○魚○知○上○水○水○還○
逆○鳥○不○避○人○人○亦○前○而○彼○捕○鳥○者○機○激○相○鈎○牽○譬○諸○
說○法○人○辭○義○滋○纏○綿○謂○彼○石○可○轉○謂○儂○僧○可○仙○僧○耶○
石○耶○何○其○顛○石○解○點○頭○猶○有○相○僧○貪○說○法○豈○無○愆○緬○
彼○太○虛○一○烝○耳○兩○儀○四○象○何○多○言○惟○無○言○意○轉○圓○僧○
似○石○人○頑○不○語○始○知○頑○石○點○頭○禪○

漢臣云二十四義一齊墮似東坡禪頌
誠之云不是翻案語正指點實際耳

登閱江樓懷宋學士濂

晨○星○一○二○點○天○荒○匹○馬○辭○朝○早○渡○江○擊○楫○無○聲○颿○影○
靜○籌○邊○草○疏○正○傍○徨○

漢臣云不加評論正自鄭重
誠之云為學士傳神

讀古偶懷

櫂○槍○天○矯○橫○天○經○骨○肉○離○支○不○可○聽○羊○祐○兩○軍○猶○贈○
藥○田○真○同○氣○忍○分○荆○同○氣○無○如○磁○與○鐵○有○時○離○間○成○
媒○孽○鄉○土○茫○茫○作○寄○生○宮○庭○變○起○要○離○血○臣○子○之○情○
君○所○為○借○問○君○惜○使○者○誰○如○果○賢○奸○明○似○髮○何○緣○忠○

孝○棄○如○灰○殿○前○左○儒○哀○死○友○殿○下○子○奇○離○活○叟○輶○軒○
當○日○豈○忘○之○不○與○周○宣○訊○可○否○

漢臣云蘇子美讀漢書無此痛快
誠之云千古正論真可作詩中史

懷魯仲連

威○陝○鳥○道○徑○難○尋○草○木○覲○髣○氳○霧○深○黃○犬○安○知○獵○後○
事○青○魚○誰○識○釣○前○心○湛○盧○淚○洒○鷓○夷○榼○七○首○風○生○督○
亢○箴○維○我○魯○連○知○出○處○功○高○不○賞○去○淄○陰○

漢臣云喚醒千古一切英雄痴夢
誠之云從仲連不見所欲寫出頡頏一世之槩

悲顧抱玉蒙師

八○齡○章○句○苦○盤○旋○嚴○父○鞭○驅○到○孔○川○膝○上○朱○書○塗○幾○
筆○行○間○白○字○更○加○鐫○初○看○大○學○如○天○樣○徐○理○尚○書○近○
口○邊○可○惜○師○容○同○夜○影○郎○官○衣○繡○亦○徒○然○

漢臣云愈淺近愈切至性情之言
誠之云可為邨夫子增重可謂不失赤子之心

馬○翼○雲○師○命○賦○花○雪○二○字○每○句○雪○花○相○連○時○年○

九○歲○口○占○成○誦○今○錄○之○四○十○餘○春○不○覺○其○髮○如○

花○心○如○雪○也○

雪○花○飄○漾○似○寒○菱○花○到○寒○菱○雪○已○傾○弱○雪○宜○花○交○弄○
影○花○濃○點○雪○獨○無○聲○癡○兒○劃○雪○成○花○樣○神○女○吞○花○化○

雪形月下看花渾似雪不知花雪有誰爭

漢臣云與子畏花月吟相伯仲
誠之云錦心繡口却嚼雪吞冰乃有此佳構

挺秀堂會集和錢礎日韻

超宗入座吐琳瑯蘭畹芝田秀滿匡語道自來無六
國論詩畢竟有三唐窓前綺製誰高下席上牙籤任
短長江左知名魚貫入獨憐門外轉彷徨

漢臣云高唱絕俗
誠之云詩亦挺秀綺製百篇中罕見其儔

臥雲堂宴集并和

黃花初綻一園秋紫蓼茱萸總勝游詩社有時慚燕

子文心無處不浮鷗泉深故縱登山屐酒盡猶採注

水籌此夜笙歌通子建臥雲堂上列王劉

漢臣云閒美輕華兼襄陽摩詰之長
誠之云竟如王劉一則清談

壽渠丘劉母李太夫人

相府賢嬪意不群殷殷孝養動天親江妃自覺秦皇
淺西母何知漢武尊手製春花開錦樣眼看秋色到
蘭蓀衣齋坐向三山日北海於今頌女媧

漢臣云心眼在崑崙赤城之巔
誠之云從閨閣寫出傲睨千秋之意甚奇

無知和尚錫山開講和鄒木石年兄

師來尺五法王筵○妙演真乘意○不傳偶說曇華無上○
義却空澄觀大千言鳥叅若護龍山月象教疑開舜○
嶺天落落香風花雨後鐵衣消瘦復枯禪○

漢臣云隨處說法能使石人點頭
誠之云憶贈蒼公雜花篇亦拈此韻冷然同致

楚卿夜渡呈盧澹園先生

風颿一片指星桅○鄉思迢迢五夜催○魚動始知滄海○
岸龜浮方觀老人堆○天行北落如無奈○月到南河更○
有誰淨掃胸中塵○百斛去看秋水大鵬回○

漢臣云星隨平野濶月湧大江流胸次如許
誠之云天行北落一聯誦之神骨儼然欲搔首問

帝座

田家辭

大紅小紅爭碎纜○動作屑屑田畦奴○當地魚鹽資販○
者○隔山烟火問樵夫○回頭一顧家鸚鵡○行脚何如客○
鷓鴣此日應閒閒○不得兒郎初剖蔓生瓠○

漢臣云一幅桃源圖
誠之云唐人田家辭外另出新意

過維揚

南來駐馬怯噴岼○山壁躩踞忍畫狻○泰岱五松辭帝○
寵楊州雙檜護僧寒○人游小草衣方露○鳥浴流泉翠○

未乾却恨吳雲歸處淡漁船花鼓正嚶嚶

漢臣云瞻顧別有寄託
誠之云吾最愛鳥浴流泉句似王摩詰日色冷青
松欲画之可着筆耶

劉彙升尊人震東日者之慶

華冠縱履出墓塘頻埽堦前紅葉霜雨宿中秋
飯晴開重九菊花觴三分月色憑君買一度星槎我
獨航有子懷珠明徑寸文犀寶鹿盡含光

漢臣云正以真率勝人組織
誠之云間為別調香山眉山之間
鄒晉年原配徐孺人投淵殉節

金花作勝倚肩寒對鏡無多灑淚看繡戶幾緡青史
帙朱扉深鎖白喪冠天邊何處調鸞馭水底于今逐
馬鞍一夜香魂歸讓里貞姬令子得雙安

漢臣云悲風動地來

廣濟劉諱洪瑤吳諱瑾兩孝廉訟獅頭山風水
五年不決余蒞任斬陽怪之不遠二百里親詣
葬所見其上純石無土又無草木歎曰此石山
之童者耳訟何益吳族有枯骨二瓶盜葬其中
急命土人掘之見白蟻纍纍骨已為灰吳知言

壞之非劉知龍腦之謬各無言而退是日宿馬

口寺中作

平生結穴在心田敢向堪輿理未然馬口寺邊聽雀

角獅頭山下卜龍涎吳人會葬知虛實劉子來朝說

正偏起視寒灰惟白虬陰陽尅擇兩無言

漢臣云可補循良傳中一則典故采風者宜亟錄之

誠之云馬口獅頭雀角龍涎天巧驚人以兩孝廉風水之癖博一使君錦繡之章甚奇甚奇

登九龍山石門與徐魯詹語

石磴霜苔不可攀猿啼鳥道見孤山無人買得寒潭

去讓與閒雲自往還

漢臣云心眼閒甚准行雲不閒耳誠之云石門有遊仙此詩疑仙筆

與練川扶風談翁

能寒鶴水一溪芳采藥常隨費長房碧眼真人知避

晉丰稜太史却修唐酒鄉無稅紅雲好吟拈多才白

雪長此際浣花餘尺地閒身不禡薜蘿裳

漢臣云扶風為練川高士讀此慨然想見其人誠之云辟世翁帶文人致不可不為寫炤

懷王仙客無雙故事

花葉同根未忍分芊眠楊柳各為春飛鴻過處君當

路遊騎歸時婢倚門待詔新添醫藥使重樓高鎖病
宮人聞聲隔世猶相憶驛舍遲遲不耐頻

漢臣云只敘迷舊事已生面重開錄其靈氣恍惚故誠之云無雙欲求人間有心人一語定堪千古追詠得此淡淡寫出

秋日溯景陽井遺蹟

雙棲一夜失江村嘹唳征鴻已數巡明月帶霜空自
曉鮮花入溷有誰珍書歸千里蘼蕪色夢到三更澹
灑雲無數嬪妃趨辱井靈均何故不招魂

漢臣云千古傷心事政須此哀澹之音寫之誠之云麗華香魂猶作化自練光豈不甘一辱字

耶其如詩人之筆何

贈荆溪蔣衷衍茂才為曹心廣見訪

墨氣能輕十戶貲芸鋤諸史似茅茨金門獻策雙韓
椽絳帳論經一馬師滋味家園堪入茗風光到處總
宜詩任公臺下珠璣滾積雪他年訪棹時

漢臣云朴厚彷彿儲光義誠之云髣髴措大本色然頗見蘊藉

祝臨安陳又參之母徐孺人

為婦心勞縷縷金吳人初度越家針巾車隱約飄羅
袂翠羽扶疎拂玳簪蓮子葉開青玉案桂花香煖綠

珠穆三天一夜爐烟起此地猶聞錦瑟音

漢臣云雋句可書畫屏
誠之云非閨房之秀不足當之何必定為壽母頌
耶

錢塘晚寓

日○色○催○行○估○濤○聲○起○臥○猿○不○知○門○外○泊○猶○有○賣○花○船○

漢臣云幽境險句却是絕妙好辭
誠之云忙者自忙閒者自閒含蘊可思

余在蕪陽得古靈壽杖一枝與瀛芝兄兄進與

占恒伯為一時嘉瑞喜而作歌

吾聞榔水之陽產靈木枝幹扶疎開眼目一節能生

五○色○花○花○房○常○惹○鷓○雛○宿○白○豹○山○人○削○作○節○節○有○三○
枝○跨○海○東○一○與○涪○翁○履○虎○中○鬚○牙○如○戟○流○長○虹○兩○虎○
不○鬪○號○清○風○一○與○赤○城○老○人○裁○作○蒼○藤○杖○馳○之○驟○之○
千○仞○上○八○駿○無○顏○自○駘○蕩○尚○遺○一○杖○山○之○陰○蒼○紋○白○
筍○垂○精○金○西○南○豹○霧○不○能○靈○是○藤○是○竹○還○是○木○千○年○
以○下○無○人○識○滿○山○青○黃○與○碧○綠○吾○在○蕪○陽○德○意○新○山○
人○杖○策○遊○吾○庭○一○掃○南○箕○糠○粃○勻○仲○兄○瀛○芝○見○之○喜○
焚○香○盥○手○來○相○使○歸○吾○百○歲○之○老○親○今○謝○吾○子○吾○子○
來○扶○吾○杖○兮○山○之○垓○鳥○送○白○茅○成○妙○臺○猿○貽○鮮○菓○作○

長○齋○子○不○來○杖○扶○我○今○山○之○隩○牛○郎○負○鼓○天○津○噪○織○
女○提○筐○經○輦○道○如○此○靈○奇○今○所○希○無○邊○瑤○草○牽○人○衣○
人○間○鷄○犬○驚○相○飛○伯○兄○誠○之○已○七○十○皆○云○茲○杖○人○靡○
及○季○子○之○功○予○什○襲○季○子○自○言○儂○何○功○天○之○所○賜○維○
人○龍○非○吾○伯○翁○疇○與○宗○錫○諸○嘉○名○曰○靈○壽○伯○兄○唯○唯○
仲○兄○又○是○爲○吾○門○父○子○兄○弟○之○良○邁○

漢臣云槎枒奇峭筆力陡絕唐惟玉川宋則雙井
誠之云吾父躋九表猶持此杖登臨翩翩若仙今
閱六年追憶愴懷讀弟詩不禁流涕與杜老桃竹
杖引爭奇即吾親不死矣

題王石谷畫幅

人○言○姿○媚○自○天○生○爾○獨○芊○眠○繞○地○行○得○意○烟○嵐○隨○手○
劃○無○邊○波○浪○任○心○傾○時○花○語○鳥○添○供○奉○錦○石○文○魚○潤○
筆○精○除○是○美○人○能○不○笑○繪○聲○裂○處○見○卿○卿○

誠之云得解衣磅礴之意

賀梁冲天大都督

一○紙○靈○符○呪○六○丁○長○江○白○練○總○降○旌○內○階○高○映○文○昌○
府○閣○道○斜○看○武○將○星○馬○戲○瀛○洲○紅○日○擁○鸞○翔○瀚○海○翠○
華○傾○朱○輪○赤○輓○朝○天○後○鐵○券○銀○書○下○九○層○

漢臣云奇壯何減五更鼓角
誠之云雄麗中帶馬鳴蕭蕭之致

張學憲玉甲重修邵文莊公二泉書院落成

印首得高蔭悠然栖所懷二泉融融流九龍與之偕
中有邵夫子垂衣坐三槐點易不知老蒼草成香孩
妙義藏碑碣而今長綠苔凄其風雨夜沙鳥宿山齋
燕中張學使瞻顧啓深哀重疏滴露井三拜讀書臺
畚鍤聞風至儒生荷土垓後院蓬蒿歇前軒松柏開
橫渠新泮水燕子復歸來誰似春申宅支離說楚才

漢臣云蒼澹之篇欲與篆籀爭古誠之云能動人感慨亦能動人仰止

汝陽旅店訪葛洪陂不值

祁○虎○多○草○色○野○月○明○荒○池○荆○棘○無○心○刺○薔○薇○偏○惹○衣○
欲○將○魚○作○菜○無○奈○酒○為○醢○肅○肅○渣○呀○去○乘○雲○望○南○娛○
南○娛○睇○不○見○回○首○葛○陂○非○

漢臣云欲辨已忘言誠之云得無有浮雲蔽日長安不見之懷耶

縉雲登吏隱山有感

身○如○桃○梗○去○飄○飄○花○落○花○開○幾○暮○朝○僧○在○龍○泉○惟○聽○
雨○魚○遊○鴈○蕩○不○知○潮○誰○家○抖○擻○驅○零○騎○大○半○脚○踏○學○
懶○樵○萬○乘○陵○高○虛○鎖○鑰○只○應○漚○鳥○叫○山○椒○

漢臣云胸懷在百尺樓上誠之云自寓中夜起舞之思非徒悲未拂衣者

虞姬墓

鬢雲堆盡楚陂鴉。恨殺陰陵渡口差。籠鳥還山羞翠羽。層魚落水故髮髭。枯僧猶種虞姬草。野老安知項藉花。六國佳人隨炬盡。祇留三戶一筭瑯。

漢臣云六國之宮女如花不如三戶之虞姬一草感慨繫之誠之云如桑生動操能令美人草翩然而舞

為嚴子惠京祝其尊人孟虎先生尊慈宗孺人嚴武宗風與世垂。佳兒佳婦拜香幃。文成五色開生面。賦入三宮喜翠眉。玉筍游移銀闕上。蘭心飄到橘

州回此時親署長生字。一挽天池沁酒杯。

漢臣云句向夜深思歸天外誠之云文成五色賦入三宮二語乃弟自為寫炤耳

輓嘉禾鍾琴俠之母沈孺人

琴臺有嫗習絲綸。落落眠蠶倍組紉。月暗半邊驚海日。珠歸合浦泣鮫人。蓮房已就荷花老。桐乳初濃梧葉分。教子力耕毋受祿。惟餘燈火伴詩文。

漢臣云精麗似楊大年誠之云挽詩中自饒情趣無楚些套語

祝劉正平令配周孺人

淑女依劉得所宗。相將令子入西廡。詩中芳草閒清

全五三集
畫○畫○裏○幽○蘭○怯○曉○風○酒○濺○蛾○眉○分○遠○色○微○流○素○指○得○
春○容○蕭○郎○舞○鏡○猶○前○夜○一○笑○差○池○已○絀○瞳○

漢臣云寫出林下風流
誠之云祝白髮之偶若畫眉于飛閒情入妙

為陳淇瞻司李尊慈邵太孺人慶

西○麓○初○聞○玉○女○簫○箏○燈○隻○影○婆○光○遙○金○鈿○帶○雪○流○脂○
嶺○霞○帔○含○霜○出○練○橋○骨○蝶○新○花○如○佩○悅○眠○蠶○小○樹○暗○
塗○椒○瑤○環○幸○得○承○天○寵○誰○道○牂○牯○不○早○朝○
是時淇瞻任滇南

漢臣云清酣醴糴似飲瓊漿玉液
誠之云金鈿霞帔他手用之必俗於此却見奇艷

送蔣路然虞山讀書

康○成○歸○後○有○參○同○惠○水○虞○山○一○徑○通○疊○疊○雞○談○留○夜○
月○巖○巖○虎○座○試○春○風○投○甘○莫○比○香○醪○易○茹○苦○曾○經○醋○
瓮○中○學○破○五○車○猶○負○笈○知○君○才○是○小○安○豐○

漢臣云風致朗然玉立
誠之云為臯比生色却仍帶規意

施有一文學之母湯太君五十

梅○花○初○度○海○棠○時○西○家○有○女○字○于○施○故○將○夷○光○比○顏○
色○粲○然○見○齒○稱○知○希○條○桑○中○夜○看○蠶○好○摳○衣○徐○向○高○
禱○禱○生○子○當○如○陸○士○衡○片○片○瑤○光○天○外○討○廣○文○先○生○
初○食○貧○采○緞○垂○鑷○襄○璫○玳○滅○火○不○妨○螢○入○戶○探○泉○又○

見雪當門士衡文成一十五文心秀作雕盤舞取映
隨人明月珠珠光迴照東亭母而今母氏復五十鸞
鏡清輝姿畢畢瑤姬長發九圍祥猶有湯孫與孔伋
孔伋趨湯孫立家無雞犬足留難洞有魚龍來拂挹
將與大衍之數五五而十

漢臣云云組織甚密妙在了無痕迹
誠之云如王謝子弟自述家風富貴中別有名勝

琴友謝客巖虔奉純陽仙祖

鐵○笛○飛○聲○到○草○茅○謝○巖○何○似○呂○巖○高○幾○番○度○盡○梅○花
曲○心○與○琴○牀○一○樣○操

漢臣云云自然巧合非竹非肉之間

送張玉甲學使北上排律

文○成○匹○練○是○法○暉○旆○轉○瑤○光○近○紫○微○豸○繡○緋○緋○才○子
色○龍○香○苒○苒○聖○人○衣○王○良○有○路○先○携○策○傳○說○無○心○已
握○機○時○吐○夜○光○通○月○窟○便○含○朝○氣○入○天○扉○身○遊○棘○院
君○恩○重○夢○繞○西○山○客○意○非○留○舄○始○知○春○有○脚○攀○轅○不
覺○淚○盈○晞○三○都○左○思○書○連○屋○七○步○陳○留○句○滿○幃○自○分
狔○兒○垂○顧○少○何○期○虎○觀○落○毛○肥○桃○花○李○花○夾○江○岸○赤
羽○白○羽○馳○皇○畿○門○下○相○公○孤○捧○日○臺○前○侍○史○揚○餘

輝

漢臣云麗藻聯翩出以勝氣絕無俳偶習
誠之云顏之藻績滿眼謝之秋水芙蓉兼美為難
於排律更難

楚邸中蒙宮百朋憲長屢次設醴席中奉謝

卸却時冠是阿蒙朱輪畫戟總虛空風吹濟北三層
絮月照淮南一斗春天道豈憐清白吏人情還憶孔
方兄如君酒醴殷勤意偏向寅僚冷落中

漢臣云調孤韻遠疑聽霜天曉笛
誠之云亦覺怨矣如弟之兩袖清風乃不妨怨

為繡裳弟之恩撫姑龔氏表節

為憶青陵謹護身不將脂粉伴朝昏砧敲素月仙衣
冷唄入清宵佛火勻烏怨大都呼杜宇竹愁常似說
湘君內家小阮堪承節棹楔亭亭賜里門

漢臣云點染生動正在停針不語時
誠之云以香奩韻詠節似離實合最見作手

為許子潤尊慈李節母

紫蓼青葵手自將不堪針線理鴛鴦孀閨種有三珠
樹佛座惟聞一瓣香燕入重門君可賀易占磐石世
其昌天書下闕來雙鳳習習翬飛大練裳
誠之云最得甘節之意仍是流麗之章

九日澄懷諸子集碎疆園論畫為沈子伊在賦
秋入吳山橋袖勻登高仰首興還頻思春莫到紅樓
院對酒相將白社村畫裏烟波人在水墨中鱗爪氣
為雲神龍若肯降沈子誰謂諸梁不好真

漢臣云句妙如遠水輕雲
誠之云九日也胡然而龍龍在畫中耶詩中耶

許孝子割股療母君揚

含藜十載奉漚麻殘蠟中宵困女媧炎帝但傳疏病
草微生能得返覓花丹方肘後藏三畧一七懷中動
六珈母氏延齡登壽考朝恩將與歲星遐

漢臣云質而精動人心目
誠之云似帶謔今說得到股歡喜

蔡茂卿工花鳥已躋稀齡

新裁手蹟似宣和鸚鵡鵲入畫多浥露衣裳分茜
草粘花指甲類湘娥高才幾得登青史名下由來老
碧蘿夜靜三天鳴曉鶴孤筇一叟醉摩抄

漢臣云楮上嫣然欲語
誠之云頗為老画師生色

重九後一日吟齋諸子集薛偉楚兄含綠堂分

韻

醉罷茱萸學懶殘誰携僚友復登壇堦前竹影月侵

全五三集
畫屋裏秋聲人閉關却遇黃花思蘸筆為憐桐葉欲
書爛新詞巧若連機碓紙價于今長木難

漢臣云三四是中唐絕勝在紫微承吉之間
誠之云妙寫含綠鮮潤欲滴

壽陳敏公之母

井○曰○當○家○體○自○胖○荆○釵○不○借○美○人○冠○三○分○遠○志○宜○長○
日○一○路○防○風○為○小○寒○未○許○詩○人○歌○白○紵○只○堪○高○士○賦○
冰○紈○兒○能○養○志○怡○清○節○鳳○管○常○調○玉○女○鸞○
敏公善笙歌

漢臣云昔人有好作藥石詩者未若中聯之工好

誠之云愛日之誠與惟疾之憂却帶戲寫出何筆
情之妙也

鈕孟達之長君元翼能世其醫羣季亦濟濟賦

呈岐杏高丈同術

淡○日○微○風○漾○太○清○竹○庄○花○院○幾○人○迎○丹○書○岐○伯○於○今○
見○藥○草○神○農○所○未○名○鶴○和○有○情○怡○短○髮○鴛○行○以○次○系○
長○纓○隣○兒○漫○數○千○株○橘○誰○識○琅○玕○遍○地○生○

漢臣云可作橘林佳話
誠之云醫不執方醫者意也得無於詩中指示乎

練川王研存年伯幼子就塾 步韻

傳○書○何○必○義○興○胡○笑○語○軒○渠○膝○下○呼○羸○楚○乍○開○和○氏○
玉○蛟○龍○爭○妬○木○蘭○珠○平○津○賓○客○知○誰○尚○吳○地○童○蒙○此○

獨殊。天子東游黃澤水。君家應獻白沙駒。

漢臣云琅琅珠玉炤人誠之云寧馨兒可愛麗句最是入情

祝松陵沈留侯年友尊慈康太夫人

中丞初治北堂扉。淑女臨粧對所思。携出後宮仙鶴錦。簪來上苑牡丹枝。蝶翻紅葉垂金粉。鳥送黃裳作素絲。乍轉東風窺地力。龍孫百尺正當時。

漢臣云留侯逸才清思掩映一時又麗詞佳句乃其世傳故知非此詩不稱誠之云矜貴之氣燭人是閨閣中見朝典

過上津橋訪朝真觀朱力仁羽士

逡巡禮斗向瑤天。體不勝衣學步偏。鶴去無言惟踵息。人來託病且鼾眠。茶苗細拂三香水。丹藥徐調二火烟。祇恨桃花飛滿路。漁郎篋笠到門前。

漢臣云似東坡白鶴觀詩茂之云清氣逼人結句似有陶隱居仙障之恨

崑山令李仲展先生祝言和鄒中翰際五

袞衣曾借伯陽言。紫氣遙臨鄭縣仙。鹿嶺風篁增竹色。婁城雪樹拭梅烟。乍停魚稅鮫人喜。已服蒲鞭犴。狸眠子貢陂頭銀浪澈。沙湖百里是蘇天。

漢臣云樂郊風景宛然在目龔渤海傳乏此芳韻誠之云王喬舄荀令香俱從烟墨現

全五三集
為徐坦齋封君暨元配顧太宜人慶

天子親諮穎上年。馳封初艾喜齊肩。官人剪就波斯
錦。令尹擎來陸地蓮。有婦三姝能作賦。佳兒一鶴已
凌烟。但逢清獻朝天日。四海應無滯鐵船。

漢臣云響高而骨堅
誠之云古錦為章青蓮為氣



